

『續日本紀』21 天平寶字二年八月庚子朔条

八月庚子朔。高野天皇禪位於皇太子。詔曰。現神御宇天皇詔旨＜良麻止＞詔勅＜乎＞親王諸王諸臣百官人等衆聞食宣。高天原神積坐皇親神魯弃神魯美命吾孫知食國天下＜止＞事依奉＜乃＞任＜尔＞遠皇祖御世始＜氏＞天皇御世々々聞看來天日嗣高御座＜乃＞業＜止奈母＞隨神所念行＜久止＞宣天皇勅衆聞食宣。加久聞看來天日嗣高御座＜乃＞業＜波＞天坐神地坐祇＜乃＞相字豆奈＜比＞奉相扶奉事＜尔＞依＜氏之＞此座平安御座＜氏＞天下者所知物＜尔＞在＜良自止奈母＞隨神所念行＜須＞。然皇＜止＞坐＜氏＞天下政＜乎＞聞看事者勞＜岐＞重＜弃＞事＜尔＞在＜家利＞。年長＜久＞日多＜久＞此座坐＜波＞荷重力弱＜之氏＞不堪負荷。加以掛畏朕婆々皇太后朝＜尔母＞人子之理＜尔＞不得定省＜波＞朕情＜母＞日夜不安。是以此位避＜氏＞間＜乃＞人＜尔＞在＜氏之＞如理婆々＜尔波＞仕奉＜倍自止＞所念行＜氏奈母＞日嗣＜止＞定賜＜弊流＞皇太子＜尔＞授賜＜久止＞宣天皇御命衆聞食宣。是日。皇太子受禪即天皇位於大極殿。詔曰。明神大八洲所知天皇詔旨＜良麻止＞宣勅親王諸王諸臣百官人等天下公民衆聞食宣。掛畏現神坐倭根子天皇我皇此天日嗣高御座之業＜乎＞拙劣朕＜尔＞被賜＜氏＞仕奉＜止＞仰賜＜比＞授賜＜閑波＞頂＜尔＞受賜＜利＞恐＜美＞受賜＜利＞懼進＜母＞不知＜尔＞退＜母＞不知＜尔＞恐＜美＞坐＜久止＞宣天皇勅衆聞食宣。然皇坐＜氏＞天下治賜君者賢人＜乃＞能臣＜乎＞得＜氏之＞天下＜乎婆＞平＜久＞安＜久＞治物＜尔＞在＜良之止奈母＞聞行＜須＞。故是以大命坐宣＜久＞。朕雖拙弱。親王始＜氏＞王臣等＜乃＞相穴＜奈比＞奉＜利＞相扶奉＜牟＞事依＜氏之＞此之仰賜＜比＞授賜＜夫＞食國天下之政者平＜久＞安＜久＞仕奉＜倍之止奈母＞所念行＜須＞。是以無諂欺之心以忠赤之誠食國天下之政者衆助仕奉＜止＞宣天皇勅衆聞食宣。辭別＜氏＞宣＜久＞。仕奉人等中＜尔＞自＜何＞仕奉狀隨＜氏＞一二人等冠位上賜＜比＞治賜＜夫＞。百官職事已上及太神宮＜乎＞始＜氏＞諸社祢宜祝＜尔＞大御物賜＜夫＞。僧綱始＜氏＞諸寺師位僧尼等＜尔＞物布施賜＜夫＞。又百官司＜乃＞人等諸國兵士鎮兵傳驛戶等今年田租免賜＜久止＞宣 天皇勅衆聞食宣。授從三位石川朝臣年足正三位。正四位上船王。他田王。水上真人鹽燒並從三位。正四位下諱＜平城宮御宇高紹天皇＞正四位上。无位菅生王從五位下。從四位下藤原朝臣巨勢麻呂。佐伯宿祢毛人並從四位上。正五位上藤原朝臣御楯從四位下。正五位下粟田朝臣奈世麻呂正五位上。從五位下阿倍朝臣子嶋。紀朝臣伊保。石川朝臣豐成。藤原朝臣眞光。當麻真人淨成並從五位上。外從五位上文忌寸馬養。正六位下菅生朝臣嶋足。佐伯宿祢御方。笠朝臣眞足。穗積朝臣小東人。阿倍朝臣意宇麻呂。中臣朝臣毛人。縣犬養宿祢吉男。紀朝臣牛養。大伴宿祢東人。藤原朝臣楓麻呂。大野朝臣廣言。正六位下藤原朝臣久須麻呂。從六位上石川朝臣廣成並從五位下。正六位上山邊縣主男笠。完人朝臣倭麻呂。辛小床。大和宿祢斐大麻呂。宇自賀臣山道。忌部首黑磨並外從五位下。又授正四位上河內女王從三位。正五位上當麻真人山背正三位。无位奈貴女王從四位下。无位伊刀女王。垂水女王。正六位上內真人絲井。无位粟田朝臣諸姉。藤原朝臣影並從五位下。外大初位上黃文連眞白女。上道臣廣羽女。從六位上爪工宿祢飯足並外從五位下。是日。百官及僧綱詣朝堂上表。上上臺中臺尊號。其百官表曰。臣仲麻呂等言。臣聞。星廻日薄。懸象著明。之謂天。出震登乾。乘時首出。之謂聖。天以不言爲德。非言無以暢其神。聖以無名體道。非名安可詮其用。冬穴夏巢之世。猶昧典章。雲官火紀之君。方崇徽號。寔乃發揮功業。闡揚尊名。名之爲義。其來尚矣。伏惟。皇帝陛下。臨馭天下。十有餘年。海內清平。朝廷无事。祥瑞頻至。寶字荐臻。乃聖乃神。允文允武。諒無得而稱焉。暨乎國絕皇嗣。人懷彼此。降天尊於人願。鳴謙克光。損乾德於坤儀。鴻基遂固。展誠敬而追遠。攀慕惟深。勤温清以承顏。因心懇至。故有九服宅心。咸荷望雲之慶。萬方傾首。俱承就日之輝。皇太后叡德上昇。善穆儷天之位。深仁下濟。爰昭法地之猷。日月於是貞明。乾坤以之交泰。遂乃欽承顧命。議定皇儲。弃親舉疎。心在公正。實在志於天下。永無私於一己。既而遊神惠苑。體三空之玄宗。降迹禪林。開一眞之妙覺。大慈至深。建藥院而普濟。弘願潛運。設悲田而廣救。是以煙浮震幄。寶籙呈祥。蟲彫藤枝。禎文告德。遂使百神協贊。天平之化不窮。黎元樂推。地成之德逾遠。臣等入參帷扆。出廁周行。鳴珮曳綸。綿積年祀觀斯盛德。戴斯昌化。臣子之義。何無稱贊。人欲而天必從。狂言而聖尚擇。謹據典策。敢上尊號。伏乞。奉稱上臺寶字稱德孝謙皇帝。奉稱中臺天平應眞仁正皇太后。上協天休。傳鴻名於萬歲。下從人望。揚雅稱於千秋。不勝至懇踊躍之甚。謹詣朝堂。奉表以聞。僧綱表曰。沙門菩提等言。菩提聞。乾坤高大覆載。以之顯功。日月貞明照臨。由其甄用。至於混群有

而饒益。撫萬物而曲成。獨標十号之尊。式崇四大之極。故能徽猷歷前古以不朽。妙迹流後葉而恒新。然則表德稱功。莫不由於名號。伏惟。皇帝陛下乃聖繼聖。括六合而承基。乃神襲神。環四溟而光宅。期政道於刑措。駢懷生於仁宜。追遠之孝尤重。錫類之德弥厚。不以逸遊爲念。俯以。謙卑在懷。瑞蚕藻文。薦聖壽之遐祉。寶字結象。開皇基之永昌。皇太后遊心五乘。棲襟八正。化侔應供。道双至真。發揮神化之丹青。抑揚陶甄之鎔範。正慮獨斷。搜離明於舜濱。深仁幽覃。浮赤文於堯渚。故能遠安近。至治美於成康。治定功成。無爲盛於軒昊。固足以垂顯號建嘉名。軼三五而飛英。超八九而騰茂者也。陛下謙讓。推而不居。菩提等竊疑焉。菩提等逖察前徽。緬鏡遐載。隨時立制。權代適宜。皇王雖殊。其揆一也。菩提等不勝丹欸之誠。謹上尊號。陛下稱曰寶字稱德孝謙皇帝。皇太后稱曰天平應真仁正皇太后。伏願。陛下皇太后。抑謙光之小節。從梵侶之讜言。庶使蟠木之鄉。燭龍之地。問號仰澤。聽聲傾光。凡厥在生。誰不幸甚。沙門菩提等不任下情。謹奉表以聞。詔報曰。朕覽卿等所請。鴻業良峻。祇畏允深。忝以寡薄。何當休名。而上天降祐。帳宇開平。厚地薦祥。蜚文表德。竊惟此事。天意難違。俯從衆願。敬膺典禮。号曰寶字稱德孝謙皇帝。又見上皇太后之尊号。感喜交懷。日興忘倦。任公卿之所表。從耆縉之所乞。策曰天平應真仁正皇太后。受此推新之号。何无洗舊之令。宜改百官之名。載施寬大之澤。其天下見禁囚徒。罪無輕重咸從放免。其依先格。放却本土。无故不上之徒。悉還本司。又自天平寶字元年已前監臨自盜。盜所監臨。及官物欠負未納悉免。天下諸國穩於山林清行逸士十年已上。皆令得度。其中臣忌部。元預神宮常祀。不闕供奉久年。宜兩氏六位已下加位一級。其大學生。醫針生。曆筭生。天文生。陰陽生。年廿五已上授位一階。其依犯擯出僧等等戒律無闕。移近一國。其大僧都鑿真和上。戒行轉潔。白頭不變。遠涉滄波。歸我聖朝。号曰大和上。恭敬供養。政事躁煩。不敢勞老。宜停僧綱之任。集諸寺僧尼。欲學戒律者。皆属令習。又勅曰。內相於國。功勳已高。然猶報効未行。名字未加。宜下參議八省卿博士等。准古正義奏聞。不得空言所。無濫汗聽覽。